

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Biblia Das ist Die gantze Heylige Schrift Teutsch**

**Luther, Martin**

**Franckfurt am Mayn, 1560**

**VD16 B 2747**

Vorrede-

**urn:nbn:de:bsz:31-62174**



# Vorrede auff die Epistel S. Pauli an die Colosser.

C



Leich wie die Epistel an die Galater sich artet vnd geraten ist nach der Epistel an die Römer / vnd eben dasselbige mit kurzem begriff fasset / das die an die Römer weiter vnd reicher auffüret. Also artet sich diese an die Colosser nach der an die Epheser / vnd fasset auch mit kurzem begriff denselbigen inhalt.

Auffs erste / Lobet vnd wündschet der Apostel den Colossern / das sie im Glauben bleiben vnd zunemen / vnd streichet aus was das Euangelium vnd der glaube sey / nemlich / eine Weißheit die Christum einen HERRN vnd Gott erkenne / für vns gecreuziget / Die von der Welt her verborgen / vnd nuh durch sein Ampt herfür bracht sey. Das ist das 1. Cap.

Im 2. Cap. Warnet er sie für Menschen leren / die alle zeit dem glauben entgegen sind / vnd malet dieselbigen also eben abe / als sie nirgend in der Schrift abgemalet sind / vnd taddelt sie meiserlich.

Im 3. Ermanet er sie / das sie im lautern Glauben fruchtbar seien / mit allerley guten wercken gegen einander. Vnd beschreibet allerley Ständen ihr eigen werck.

Im 4. bevilhet er sich in ihr Gebet / vnd grüßet vnd stercket sie.

## Die Epistel S. Pauli an die Colosser.

### I. Cap.

Timotheus.



**P**aulus ein Apostel Ihesu Christi / durch den willen Gottes / vnd Bruder der Timotheus.

Den Heiligen zu Colossen / vnd den gläubigen Brüdern in Christo.

Gnade sey mit euch vnd Friede von Gott vnserm Vater vnd dem HERRN Ihesu Christo.

Epaphra.

Wir dancken Gott vnd dem Vater vnser HERRN Ihesu Christi / vnd beten alle zeit für euch / nach dem wir gehört haben / von ewrem glauben an Christum Ihesum / vnd von der liebe zu allen Heiligen / vmb der hoffnung willen / die euch beygelegt ist im Himmel / von welcher ihr zuuor gehört habt durch das wort der warheit / im Euangelio / das zu euch komen ist / wie auch in alle Welt / vnd ist fruchtbar / wie auch in euch / von dem tage an / da ihrs gehört habt / vnd erkand die Gnade Gottes in der warheit / wie ihr denn gelernet habt von Epaphra vnserm lieben mitdiener / welcher ist ein trewer diener Christi / für euch / der vns auch eröffnet hat ewre liebe im geist.

Derhalben auch wir / von dem tage an / da wirs gehört haben / hören wir nicht auff für euch zubeten / vnd bitten / Das ihr erfüllet werdet mit erkenntnis seines willens / in allerley geistlicher weißheit vnd verstand / Das ihr wandelt würdiglich dem HERRN / zu allem gefallen / vnd fruchtbar seid in allen guten wercken / Vnd wachset in der erkenntnis Gottes / vnd gestercket werdet mit aller krafft / nach seiner herrlichen macht / in aller gedult vnd langmütigkeit / mit freuden. Vnd dancksaget dem Vater / der vns tüchtig gemacht hat zu dem ertheil der Heiligen im liecht.

Welcher vns errettet hat von der Oberkeit der finsternis / vnd hat vns versetzt in das Reich seines lieben Sohns / an welchem wir haben die Erlösung / durch sein Blut / nemlich / die vergebung der sünde. Welcher ist das Ebenbilde des vnsehbarn

Was Euangelium vnd glaube sey.

A barn Gatte  
schaffen / da  
Epreuen v  
ihm vnd zu  
Vnd er i  
vnd der Erf  
be. Dem ee  
alles durch  
mit daf er f  
Vnd eud  
sen werden  
tod. Auff  
So ihr an  
hoffnung  
Creatur /  
Nun S  
E. Dan  
ber ist die  
digamp / d  
gen solnet  
von den ze  
hat / fund  
Heden / re  
B wir verkün  
ler weißhe  
Ihesu / da  
tiglich wir

Bat  
ng the man  
ist ler.

in welcher  
Ish fa  
Dem  
frewe mic  
ihre nuh ar  
sed gewun  
vnd sed in  
Echet  
rung / nach  
fo. Dem  
komen in  
ihre auch b  
sündlichen  
mit ihm b  
durch den g